

Deo optimo maximo uni & trino, Virgini Deiparæ, & sancto Luca orthodoxorum Medicorum Patrono. (1837)

Q U Æ S T I O M E D I C A

Quodlibetariis disputationibus, manè discutienda in Scholis Medicorum, die Jovis vigesimâ-septimâ Novembris.

M. ANTONIO LE CLERC, Doctore Medico, Præside.

An ex eo quod mulier crebrò superfætet, minus bene concluditur hominis generatio ab ovo?

QUOMODO fiat hominis generatio, problema soluti difficile, diversorum huc usque fuit systematum occasio. Præ cæteris receptissimum istud, quod ab ovo generationem hominis instituit. Hujus officina primigenia, ovarium muliebre, creditum à veteribus appellatumque testes. Illic ovum, in quo singulas hominis futuri partes designatas putamus, cuditur, conditurque, donec vivacionibus virilis seminis particulis ad fecunditatem excitatum, suis è receptaculis, trans tubas exiliat in uterum: cujus calore fotum & humiditate, non prius intumescit, quam spiritus ejusdem ovi hospes intus, antea quasi veteranosus expergefiat. Præ jugi præpete turbineaque subtiliorum, quarum centro potissimus insidet, particularum agitatione, citius volaret ille, ni moleculæ seminis utuncque crassiores, ad peripheriam abactæ, ocyssimam ipsius fugam sifterent efficaciter. His itaque staminibus irretitus opifex, claustra molliore nisu primum expandit, varias spargit in uteri fundum à quibus origo placentæ radices, præter quas alimentum simul & incrementum excipiente fœtu, diducta prius inaniaque spatiosa sensim ac sine sensu cogitamus impleri, singulas demum fœtus partes haud aliter vicibus evolvi, atque mandata telluri plantarum semina passim explicari videmus.

VEROSIMILLIMAM hanc humanæ geneseos opificii rationem elevare conantibus placet casum superfætationis inducere. Secunda nimirum ista conceptio, quæ ut mulierum omnium non est, ita nec omnium graviditatis mensum, ex illorum sensu, posita hominis ab ovo generatione, videtur iis prorsus *adnatâ*. Ovum muliebre, inquit, statim atque jucundâ virilis seminis aurâ fuit afflatum, domicilii velut pertaxum sui, & quietis impatiens, erumpit illico, hæsurum aliquandiu intra tubæ ductum, vel illic in uteri fundum usque nulla mora sese projecturum. Si prius, interclusâ virili semini ad ovarium usque viâ omni, palam fit non posse istud applicare sese ad quoddam ovum, quapropter ad primam conceptionem altera non accedit. Si posterior, ovo in fundum uteri delato, atque per factam sui juris spiritus energeiam, pro ampliore loci spatio magis ac magis in dies intrumescenti, transformato in embryonem, tunicis aquas capientibus vestitum, è gravitatis legibus sequitur, ut sarcinâ in orificium interius uteri devolutâ, obsignetur id accuratius, quam quod in uterum quidquam penetrare possit, unde gravida superfætet, oriundum ab ovo jam fotum gerens.

CAVEAT porro philosophaturus omnis, quem phænomenon insolens aliquando morabitur, ne in explicandâ difficultate propostâ, inops forsan acrioris judicii, rem quæ esse fieri potest imprudenter inficietur. Prima secundaque conceptio inter se revera conveniunt, quod virile semen exquisitum esse oportuerit, ova muliebria bene materiata, differunt nihilominus quod in illa spiritus opifex uno ac eodem tempore duplicem insistere possit in utero viam, id est præter utramque tubam ovarium utrumque subire. Si nempe dextro in ovario nullum ei obvium fuerit ovum requisitis insignitum caracteribus, ocyus insert se sinistram in ovarium, illic fecunditate donaturus ovum aliud, in quod ut par est conformatum incidit. In hac seu superfætatione, quam ultra primum alterumque graviditatis mensem fieri posse contendimus, licet ovum, quod ex ovario dextro, verbi gratia, migravit in ejusdem lateris tubam, ibi sistatur, meatum aditu omni prohibito clausurum. Cur, parenti per tubam sinistram itinere seminalis spiritus illac in ovarium eidem tubæ finitimum sese non insinuabit? ubi obvio sibi primum admotus ovo laudabili fecunditatem haud dubiè largietur, decipiente gravidam mulierem alterâ, quam minus expectabat generatione.

SED esto desilierit fœtus in uteri fundum, atque secundis velut utre tumescentibus, deorsum hoc pondere sic trahatur, rimam ut nullam faciat interius orificium uteri, præter quam admitti quidpiam possit intus postea transfundendum. Id solum accidere constat, quoties & quamdiu gravida mulier erecta stabit, qua mutante situm, supinaque vel prona decumbenti, nemo non intelligit involucra fœtus atque contentas iisdem aquas minus recta minusque graviter incumbere debere interno uteri orificio. Scilicet loco cedunt aliquatenus impediementa isthæ, virili semini secundum extimam sui peripheriam commeatum præbitura peropportunitum. Cujus ubi semel in fundum uteri perrexerit, & ejusdem eximio calore continuo rarefactum est, subtilissimæ particule in ovarium advolant, futuræ superfætationis efficacissimæ parentes, cæterum mulieribus quibusdam singulis omnino quinque mensibus, aliis singulis omnino septem periodicè parientibus, difficulter animum induces tuum, quâ fœtus intervallo temporis adeo brevi possit & primum ducere suæ fabricationis exordium, & tantum sui corpusculi partium incrementum suscipere.

DETINETUR in tubis fœtus hebdomadas sex duosve menses, unde cum egreditur, magnitudo illius pollicis est dimidii, nec videtur intra reliquorum graviditatis mensium decursum posse tantum alimoniam sumere, quantum sufficiat oportet, magnitudinem ut æstuetur illam, ad quam assurrexit, quando in lucem editur. Persuasum tibi nihilominus esto de generando fœtu altero, vel post quintum mensem à generato priore fœtu. Cum hoc ille quatuor menses utero geritur, & postquam ipsorum origine priorem, maturumque mulier enixa est, superflus in utero posterior nonimestrem maturitatem assecutus, perinde ac prior in lucem prodit. Sic puerperæ lochiorum expurgatione perfundâ, per mensem, tertio non minus incautè superfætant, quam secundæ conceptioni prius fuerant obnoxia; utriusque nimirum similis est utique ratio. Sic sex, septem & octo fœtus stata quinti cujusque mensis periodo, vicibus, nascuntur. Idem sit de septimestri partu deque variis partus humani temporibus, quorum frequentiora prostant exempla, proportionem servatâ, judicium.

Ergo ex eo quod mulier crebrò superfætet, non minus bene concluditur hominis generatio ab ovo.

DOMINI DOCTORES DISPUTATURI.

M. Claudius Barlet.
M. Alexander Petrus Mutton.
M. Claudius Bourdelin.

M. Joannes Franciscus Foy-Vaillant.
M. Alexius Litte.
M. Philippus Ignatius Save.

M. Raphaël Maurin.
M. Petrus Crescé.
M. Alexander Michaël Denyan, Professor Regius.

Proponebat Parisiis EUSEBIUS ADRIANUS THUILLIER, Pari inus, Baccalaureus Medicus. A. R. S. H. 1698.